



THE PROVINCE OF PWV
DIE PROVINSIE PWV

Provincial Gazette Extraordinary
Buitengewone Provinsiale Koerant

Selling price: R1,50 ◇ Other countries: R1,95
Verkoopprys: R1,50 ◇ Buitelands: R1,95

Vol. 237

PRETORIA, 6 DECEMBER 1994
DESEMBER

No. 5061

PROKLAMASIE

PROKLAMASIE

No. 32 (Premiers-), 1994

OORGANGSWET OP PLAASLIKE REGERING, 1993 (WET No. 209 VAN 1993)

PLAASLIKE OORGANGSRAAD VAN CARLETONVILLE

Kragtens artikel 10 van die Oorgangswet op Plaaslike Regering, 1993 (Wet No. 209 van 1993), vaardig ek hierby met die instemming van die Provinsiale Komitee, die maatreëls in die Bylae uit.

Gegee onder my Hand te Johannesburg, op hede die Sesde dag van Desember Eenduisend Negehoenderd Vier-en-negentig.

T. M. G. SEXWALE,

Premier-in-Uitvoerende Raad.

BYLAE

Instelling van Plaaslike Oorgangsraad

1. 'n Plaaslike Oorgangsraad, hieronder die Plaaslike Oorgangsraad van Carletonville genoem, word hierby, soos beoog in artikel 7 (1) (b) (i) van die Oorgangswet op Plaaslike Regering, 1993 (Wet No. 209 van 1993), vanaf die datum van inwerkingtreding van hierdie Proklamasie (hieronder die effektiewe datum genoem), ingestel, bestaande uit die Stadsraad van Carletonville en die Dorpsraad van Khutsong, welke Plaaslike Oorgangsraad van Carletonville geag word 'n plaaslike bestuur ingevolge die Ordonnansie op Plaaslike Bestuur, 1939 (Ordonnansie No. 17 van 1939), te wees.

Ontbinding van plaaslike owerheidsliggame

2. Die Stadsraad van Carletonville en die Dorpsraad van Khutsong word hierby op die effektiewe datum ontbind.

Gebied van Plaaslike Oorgangsraad van Carletonville

3. Die gebied van die Plaaslike Oorgangsraad van Carletonville bestaan uit die bestaande regsgebiede van die ontbinde Stadsraad van Carletonville soos omskryf in Goewermentskennisgewing No. 2775 van 24 Junie 1959, soos gewysig of uitgebrei, en die gebied van die ontbinde Dorpsraad van Khutsong soos omskryf in Goewermentskennisgewing No. 179 van 17 Februarie 1988, soos gewysig of uitgebrei.

Raadslede en gemagtigde persone

4. (1) Die Plaaslike Oorgangsraad van Carletonville bestaan uit 28 Raadslede.

(2) Die ampstermyne van die Raadslede van die ontbinde plaaslike owerheidsliggame vermeld in artikel 2 word op die effektiewe datum beëindig.

(3) Die magtiging kragtens Premiersproklamasie No. 15 van 5 Oktober 1994 van persone om al die regte, bevoegdhede, werksaamhede en verpligtinge wat aan die ontbinde Dorpsraad van Khutsong opgedra is, uit te oefen, te verrig of na te kom, word hierby vanaf die effektiewe datum herroep.

(4) Die persone vermeld in Aanhangsel A wat behoorlik kragtens paragraaf 5 van Bylae 1 by die Oorgangswet op Plaaslike Regering, 1993, benoem is, word hierby as Raadslede van die Plaaslike Oorgangsraad van Carletonville aangestel.

(5) Enige toevallige vakature wat na die effektiewe datum op die Plaaslike Oorgangsraad van Carletonville ontstaan, moet binne 30 dae aan die Lid vir Behuising en Plaaslike Regering van die Provinsiale Uitvoerende Raad gerapporteer word, welke vakature, ondanks die bepalings van artikels 20 en 36 van die Ordonnansie op Munisipale Verkiesings, 1970 (Ordonnansie No. 16 van 1970), deur die bevoegde gesag gevul word uit die lys van bykomende kandidate in orde van voorkeur soos beoog in paragraaf 5 van Bylae 1 by die Oorgangswet op Plaaslike Regering, 1993, in Aanhangsel B vervat.

Burgemeester en Onderburgemeester

5. Die Plaaslike Oorgangsraad van Carletonville verkies, op die wyse voorgeskryf vir die verkiesing van 'n Burgemeester en Onderburgemeester in onderskeidelik artikels 16 en 17 van die Ordonnansie op Plaaslike Bestuur, 1939, binne 14 dae na die effektiewe datum, op 'n spesiale vergadering van die Raad, 'n Burgemeester en 'n Onderburgemeester uit die Raadslede vermeld in artikel 4 (3): Met dien verstande dat die Burgemeester en Onderburgemeester nie beide vanuit die statutêre komponent of die nie-statutêre komponent aangestel word nie.

Toelaes van Raadslede, Burgemeester en Onderburgemeester

6. (1) Al die Raadslede ontvang vanaf die effektiewe datum dieselfde toelaes as die toelaes wat aan die Raadslede van die ontbinde Stadsraad van Carletonville betaal is, onderhewig aan die beskikbaarheid van fondse soos voorsien onder hierdie pos van die begroting van die Stadsraad van Carletonville en die Dorpsraad van Khutsong vir die 1994/1995 finansiële jaar.

(2) Die Burgemeester en die Onderburgemeester ontvang vanaf die effektiewe datum dieselfde toelaes as wat aan die Burgemeester en Onderburgemeester van die ontbinde Stadsraad van Carletonville betaal is, onderhewig aan die beskikbaarheid van fondse soos voorsien onder hierdie pos van die begroting van die Stadsraad van Carletonville en die Dorpsraad van Khutsong vir die 1994/1995 finansiële jaar.

Uitvoerende Komitee

7. (1) Die Plaaslike Oorgangsraad van Carletonville verkies, ondanks die bepalings van die Ordonnansie op Plaaslike Bestuur (Administrasie en Verkiesings), 1960 (Ordonnansie No. 40 van 1960), kragtens artikel 16 (6) van die Oorgangswet op Plaaslike Regering, 1993, uit sy lede 'n Uitvoerende Komitee bestaande uit drie lede van die statutêre komponent en drie lede van die nie-statutêre komponent.

(2) Die Plaaslike Oorgangsraad van Carletonville verkies een lid van die Uitvoerende Komitee as Voorsitter en een lid as Visevoorsitter van die Uitvoerende Komitee: Met dien verstande dat die Voorsitter van die Uitvoerende Komitee nie verkies word vanuit dieselfde komponent van die Plaaslike Oorgangsraad van Carletonville as waaruit die Burgemeester verkies is nie en verder dat die Voorsitter en Vise-voorsitter van die Uitvoerende Komitee nie beide verkies word vanuit dieselfde komponent van die Plaaslike Oorgangsraad van Carletonville nie.

(3) Die bepalings van artikels 1 en 55 tot 61 van die Ordonnansie op Plaaslike Bestuur (Administrasie en Verkiesings), 1960, is, by die toepassing van hierdie Proklamasie, *mutatis mutandis* op die Uitvoerende Komitee beoog in subartikel (1), van toepassing.

Oordra van bates, laste, regte, verpligtinge en regsopvolger

8. (1) Alle bates, laste, regte en verpligtinge van die ontbinde Stadsraad van Carletonville en die ontbinde Dorpsraad van Khutsong word vanaf die effektiewe datum en behoudens die bepalings van subartikel (3), aan die Plaaslike Oorgangsraad van Carletonville oorgedra.

(2) Die Plaaslike Oorgangsraad van Carletonville word by die toepassing van hierdie Proklamasie vanaf die effektiewe datum en behoudens die bepalings van subartikel (3) geag om die regsopvolger van die betrokke ontbinde plaaslike owerheidsliggame te wees.

(3) Enige las, skuld of verpligting wat deur die ontbinde swart plaaslike owerheidsliggaam vermeld in artikel 2 aangegaan is tot op en insluitend die dag wat die effektiewe datum voorafgaan, behalwe 'n las, skuld of verpligting wat aangegaan is ten opsigte van enige infrastruktuur wat inkomste genereer of infrastruktuur wat deur die Plaaslike Oorgangsraad van Carletonville aangewend word of kan word, gaan op die genoemde Raad oor onderhewig aan die reg van die nasionale regering om diesulke laste, skulde of verpligtinge te aanvaar kragtens versekerings gemaak deur die nasionale regering dat geen oorgangsraad enige eksterne skulde van die genoemde swart plaaslike owerheidsliggaam tot op die effektiewe datum sal erf nie.

Verordeninge, regulasies, besluite, statutêre kennisgewings, delegasies en dorpsbeplanningskemas

9. (1) Alle verordeninge en regulasies van die ontbinde Stadsraad van Carletonville en die Dorpsraad van Khutsong word vanaf die effektiewe datum herroep, met uitsondering van die verordeninge en regulasies van die ontbinde Stadsraad van Carletonville vermeld in Aanhangsel C, wat na die effektiewe datum geag word om die verordeninge en regulasies van die Plaaslike Oorgangsraad van Carletonville te wees.

(2) Die Carletonville-dorpsbeplanningskema, 1993, van die ontbinde Stadsraad van Carletonville word na die effektiewe datum geag om die Dorpsbeplanningskema van die Plaaslike Oorgangsraad van Carletonville met betrekking tot die gebiede daarin vermeld, te wees.

Begroting

10. Die 1994/95 begroting van die ontbinde plaaslike owerheidsliggame vermeld in artikel 2 word, ondanks die bepalings van artikel 58 van die Ordonnansie op Plaaslike Bestuur, 1939, geag die 1994/95 begroting van die Plaaslike Oorgangsraad van Carletonville te wees: Met dien verstande dat die boekinskrywings vir die 1994/95 finansiële jaar afsonderlik deur die Plaaslike Oorgangsraad van Carletonville hanteer word totdat 'n enkele gekonsolideerde begroting goedgekeur is.

Verteenwoordiging op Streeksdiensteraad

11. Verteenwoordiging wat die ontbinde plaaslike owerheidsliggame vermeld in artikel 2 voor die effektiewe datum kragtens die Wet op Streeksdiensterade, 1985 (Wet No. 109 van 1985), op die Wes-Rand Streeksdiensteraad gehad het, word op die effektiewe datum beëindig.

Gemagtigde plaaslike bestuur

12. (1) Die Plaaslike Oorgangsraad van Carletonville word, kragtens artikel 2 van die Ordonnansie op Dorpsbeplanning en Dorpe, 1986 (Ordonnansie No. 15 van 1986), vanaf die effektiewe datum 'n gemagtigde plaaslike bestuur vir doeleindes van Hoofstukke II, III en IV van genoemde Ordonnansie.

(2) Die Plaaslike Oorgangsraad van Carletonville word, kragtens artikel 3 van die Ordonnansie op die Verdeling van Grond, 1986 (Ordonnansie No. 20 van 1986), vanaf die effektiewe datum 'n gemagtigde plaaslike bestuur vir doeleindes van Hoofstuk IV van genoemde Ordonnansie.

Plaaslike bestuur in Sesde Bylae by Ordonnansie op Plaaslike Bestuur, 1939, bedoel

13. Die Plaaslike Oorgangsraad van Carletonville word hierby vanaf die effektiewe datum geag 'n plaaslike bestuur soos beoog in Deel II van die Sesde Bylae by die Ordonnansie op Plaaslike Bestuur, 1939, te wees.

Enkele Plaaslike Administrasie vir Plaaslike Oorgangsraad van Carletonville

14. (1) 'n Enkele Plaaslike Administrasie word hierby vir die Plaaslike Oorgangsraad van Carletonville ingestel.

(2) 'n Permanente organisatoriese struktuur vir die Enkele Plaaslike Administrasie moet so spoedig moontlik na die effektiewe datum deur die Plaaslike Oorgangsraad van Carletonville saamgestel word.

Stadsklerk

15. (1) Die Stadsklerk van die ontbinde Stadsraad van Carletonville word by die toepassing van hierdie Proklamasie, behoudens die bepalings van die Wet op die Besoldiging van Stadsklerke, 1984 (Wet No. 115 van 1984), en die Wet op die Beroep van Stadsklerke, 1988 (Wet No. 75 van 1988), geag die waarnemende Stadsklerk van die Plaaslike Oorgangsraad van Carletonville te wees, soos beoog in artikel 62 van die Ordonnansie op Plaaslike Bestuur, 1939.

(2) Die Stadsklerk oefen by die toepassing van hierdie Proklamasie al die funksies, bevoegdhede en pligte uit wat aan 'n Stadsklerk kragtens die Ordonnansie op Plaaslike Bestuur, 1939, die Ordonnansie op Plaaslike Bestuur (Administrasie en Verkiegings), 1960, die Ordonnansie op Munisipale Verkiegings, 1970, of enige ander wet, verordening of besluit van die ontbinde plaaslike owerheidsliggame vermeld in artikel 2 opgedra is.

Werknemers en Beamptes van Plaaslike Oorgangsraad van Carletonville

16. (1) Nadat 'n permanente organisatoriese struktuur soos beoog in artikel 14 (2) saamgestel is, moet alle werknemers en beamptes in diens van die ontbinde plaaslike owerheidsliggame vermeld in artikel 2 en die werknemers en beamptes wat deur die Plaaslike Oorgangsraad van Carletonville in diens geneem is voordat sodanige permanente organisatoriese struktuur saamgestel is, na die Enkele Plaaslike Administrasie beoog in artikel 14 (1), oorgeplaas word ooreenkomstig die bepalings van artikel 10 (3) (f), (i) en (j) van die Oorgangswet op Plaaslike Regering, 1993.

(2) Totdat die werknemers en beamptes beoog in subartikel (1) na die Enkele Plaaslike Administrasie oorgeplaas is, word die betrokke werknemers en beamptes vir doeleindes van hierdie Proklamasie geag in diens van die Enkele Plaaslike Administrasie van Carletonville te wees.

Effektiewe datum

17. Hierdie Proklamasie tree in werking op 7 Desember 1994.

AANHANGSEL A

Genomineerde persone van die Plaaslike Oorgangsraad van Carletonville vermeld in artikel 4 (3):

STATUTÊRE KOMPONENT

1. Dr. M. F. Meyburgh.....	(Carletonville Stadsraad).
2. H. N. Dednam.....	(Carletonville Stadsraad).
3. S. J. W. Pretorius.....	(Carletonville Stadsraad).
4. M. J. P. Botha.....	(Carletonville Stadsraad).
5. H. M. van der Merwe.....	(Carletonville Stadsraad).
6. J. P. J. Botes.....	(AVF).
7. H. S. van der Westhuizen.....	(HNP).
8. S. A. Griessel.....	(KP).
9. J. F. van der Merwe.....	(AVF).
10. L. du Buys.....	(NP).
11. Dr. H. M. J. van Vuuren.....	(Wilverdiend Belastingbetalers).
12. R. T. Mosiane.....	(Khutsong Dorpsraad).
13. M. J. Skhosana.....	(Khutsong Dorpsraad).
14. J. A. Duvenhage.....	(AVF).

NIE-STATUTÊRE KOMPONENT

1. M. J. Mohlakoana.....	(ANC).
2. T. Moeketsi.....	(ANC).
3. R. Tselane.....	(ANC).
4. M. Mtyeku.....	(ANC).
5. D. Ndzeku.....	(ANC).
6. E. Mabile.....	(ANC).

- | | | |
|-----|-------------------------|------------------------------------|
| 7. | J. Ramokgoatedi | (ANC). |
| 8. | I. M. Mogale | (ANC). |
| 9. | M. Ditsele | (ANC). |
| 10. | T. Makunye | (ANC). |
| 11. | F. Ntsete | (ANC). |
| 12. | J. Mathikge | (ANC). |
| 13. | M. E. Maphathiane | (PAC). |
| 14. | C. J. Bakkes | (Carletonville Belastingbetalers). |

AANHANGSEL B

Addisionele Kandidate van die Plaaslike Oorgangsraad van Carletonville vermeld in artikel 4 (4):

STATUTÊRE KOMPONENT

1. T. Visser.
2. R. E. Loggerenberg.
3. H. C. M. I. Botha.
4. J. C. Steyn.
5. L. C. H. Vermeulen.
6. S. Du Toit.

NIE-STATUTÊRE KOMPONENT

1. E. Monyemoratwa.
2. M. Bongane.
3. M. Dlamini.
4. N. Wasa.
5. D. Mbhele.
6. C. Louw.



AANHANGSEL C

Verordeninge en regulasies vermeld in artikel 9 (1):

1. Standaard Voedselhanteringsverordeninge gepromulgeer kragtens Administrateurskennisgewing No. 1317 van 16 Augustus 1972 en aanvaar deur die Raad by Plaaslike Owerheidskennisgewing No. 1302 gedateer 30 Julie 1975, soos gewysig.
2. Standaard Verordeninge betreffende die Aanhou van Diere, Voëls en Pluimvee en Besighede wat die Aanhou van Diere, Voëls, Pluimvee en Troeteldiere beheld gepromulgeer kragtens Administrateurskennisgewing No. 2208 van 9 Oktober 1985 en aangeneem deur die Raad kragtens Administrateurskennisgewing No. 1069 gedateer 11 Junie 1986, soos gewysig.
3. Straat en Diverse Verordeninge gepromulgeer kragtens Plaaslike Bestuurskennisgewing No. 3384 gedateer 7 September 1994, soos gewysig.
4. Swembadverordeninge gepromulgeer kragtens Administrateurskennisgewing No. 425 gedateer 23 Maart 1983, soos gewysig.
5. Standaard Verordeninge waarby die beveiliging van swembaddens en uitgrawings gereguleer word afgekondig kragtens Administrateurskennisgewing No. 1856 gedateer 29 Desember 1971, soos gewysig.
6. Standaard Verkeersverordeninge gepromulgeer kragtens Administrateurskennisgewing No. 773 gedateer 6 Julie 1988 en aangeneem deur die Raad kragtens Plaaslike Bestuurskennisgewing No. 139/1988 gedateer 4 Januarie 1989, soos gewysig.
7. Standaard Reglement van Orde gepromulgeer kragtens Administrateurskennisgewing No. 1261 gedateer 26 Oktober 1988, en aangeneem deur die Raad kragtens Administrateurskennisgewing No. 1119 gedateer 10 Mei 1989, soos gewysig.
8. Hondeverordeninge gepromulgeer kragtens Administrateurskennisgewing No. 1387 gedateer 14 Oktober 1981 en aangeneem deur die Raad kragtens Administrateurskennisgewing No. 1041 gedateer 11 Augustus 1982, soos gewysig.
9. Begraafplaasverordeninge gepromulgeer kragtens Administrateurskennisgewing No. 224 gedateer 3 April 1963, soos gewysig.

10. Publieke Gesondheidsverordeninge gepromulgeer kragtens Administrateurskennissgewing No. 148 gedateer 21 Februarie 1951 en aanvaar deur die Raad kragtens Administrateurskennissgewing No. 950 gedateer 18 November 1953, soos gewysig.
11. Standaard Melkverordeninge gepromulgeer kragtens Administrateurskennissgewing No. 1024 gedateer 11 Augustus 1971 en aangeneem deur die Raad kragtens Administrateurskennissgewing No. 700 gedateer 17 Mei 1972, soos gewysig.
12. Elektrisiteitsverordeninge gepromulgeer kragtens Administrateurskennissgewing No. 1959 gedateer 11 September 1985 en aangeneem deur die Raad kragtens Administrateurskennissgewing No. 317 gedateer 19 Februarie 1986, soos gewysig.
13. Standaardverordeninge betreffende Kafees, Restaurante en Eethuise gepromulgeer kragtens Administrateurskennissgewing No. 492 gedateer 27 April 1977 en aangeneem deur die Raad kragtens Administrateurskennissgewing No. 1387 gedateer 21 September 1977, soos gewysig.
14. Verordeninge betreffende Brandweerdienste gepromulgeer kragtens Administrateurskennissgewing No. 1771 gedateer 23 Desember 1981 en aangeneem deur die Raad kragtens Administrateurskennissgewing No. 1139 gedateer 25 Augustus 1982, soos gewysig.
15. Standaard Rioleringsverordeninge gepromulgeer kragtens Administrateurskennissgewing No. 665 gedateer 8 Julie 1977 en aanvaar deur die Raad kragtens Administrateurskennissgewing No. 615 gedateer 3 Mei 1978, soos gewysig.
16. Standaard Biblioteekverordeninge gepromulgeer kragtens Administrateurskennissgewing No. 254 gedateer 16 Junie 1993 en aangeneem deur die Raad kragtens Plaaslike Bestuurskennissgewing No. 198 gedateer 19 Januarie 1994, soos gewysig.
17. Standaard Watervoorsieningsverordeninge gepromulgeer kragtens Administrateurskennissgewing No. 21 gedateer 5 Januarie 1977 en aangeneem met sekere wysigings deur die Raad kragtens Administrateurskennissgewing No. 72 gedateer 25 Januarie 1978, soos gewysig.
18. Verordeninge insake Plakkate gepromulgeer kragtens Plaaslike Bestuurskennissgewing No. 36/1988 gedateer 23 Maart 1988, soos gewysig.
19. Verordeninge vir die verhuur van sale en toerusting: Burgersentrum afgekondig kragtens Plaaslike Bestuurskennissgewing No. 2301 gedateer 7 Julie 1993, soos gewysig.
20. Standaard Bouverordeninge gepromulgeer kragtens Administrateurskennissgewing No. 1993 gedateer 7 November 1974 en aanvaar deur die Raad kragtens Administrateurskennissgewing No. 1888 gedateer 20 Desember 1978, soos gewysig.
21. Standaard Finansiële verordeninge gepromulgeer kragtens Administrateurskennissgewing No. 927 gedateer 1 November 1967 en aangeneem deur die Raad kragtens Administrateurskennissgewing No. 622 gedateer 11 Junie 1969, soos gewysig.
22. Verordeninge vir diverse dienste en die vasstelling van gelde vir die uitreiking van sertifikate en verstrekking van inligting afgekondig by Administrateurskennissgewing No. 457 gedateer 12 Maart 1986, soos gewysig.
23. Beursleningsverordeninge afgekondig by Administrateurskennissgewing No. 297 gedateer 19 April 1961, soos gewysig.
24. Tariewe kragtens regulasie 30: Wet op Besighede, 1991 (Wet No. 71 van 1991) [Aanvaar by Raadsbesluit A (9) van Mei 1994].
25. Verordeninge betreffende die aanhou van bye afgekondig by Administrateurskennissgewing No. 435 gedateer 18 Mei 1955 en aangeneem deur die Raad by Administrateurskennissgewing No. 97 gedateer 24 Junie 1959, soos gewysig.
26. Verordeninge vir die beheer en reguleer van die Carletonville Munisipale Lapa afgekondig by Plaaslike Bestuurskennissgewing No. 4433 gedateer 17 November 1993, soos gewysig.
27. Verordeninge vir die beheer en reguleer van die Ontspanningsoord afgekondig by Administrateurskennissgewing No. 1887 gedateer 20 Desember 1978, soos gewysig.
28. Verordeninge vir die beheer van Ontvlambare vloeistowwe en stowwe afgekondig by Administrateurskennissgewing No. 269 gedateer 13 Maart 1968, soos gewysig.
29. Standaard Verordeninge betreffende openbare geriewe afgekondig by Offisiële Kennissgewing No. 60 gedateer 14 September 1990 en deur die Raad aangeneem by Plaaslike Bestuurskennissgewing No. 4235 gedateer 21 November 1990, soos gewysig.
30. Verordeninge vir die beheer van publieke voertuie en hulle drywers afgekondig by Administrateurskennissgewing No. 2310 gedateer 10 Desember 1986, soos gewysig.
31. Reinigingsdiensverordeninge afgekondig by Administrateurskennissgewing No. 331 gedateer 28 Maart 1979, soos gewysig.
32. Vliegvelverordeninge afgekondig by Administrateurskennissgewing No. 242 gedateer 6 Februarie 1985, soos gewysig.
33. Standaard Gesondheidsverordeninge vir voorskoolse inrigtings afgekondig kragtens Offisiële Kennissgewing No. 81 van 1992 en aangeneem deur die Raad kragtens Plaaslike Bestuurskennissgewing No. 1465 gedateer 12 Mei 1993, soos gewysig.
34. Vasstelling van tarief van gelde: Dorpsbeplanning afgekondig kragtens Munisipale Kennissgewing No. 39 van 1991 op 28 Augustus 1992, soos gewysig.

Where is the largest amount of meteorological information in the whole of South Africa available?



Waar is die meeste weerkundige inligting in die hele Suid-Afrika beskikbaar?

Department of Environmental Affairs and Tourism
Departement van Omgewingsake en Toerisme

INHOUD

<i>No.</i>	<i>Bladsy No.</i>	<i>Koerant No.</i>
PROKLAMASIE		
32 Oorgangsraad op Plaaslike Regering (209/1993): Plaaslike Oorgangsraad van Carletonville: Maatreëls.....	1	5061
